

Powšitkowne WOZJEWJENJA

njedźelu, 7. apryla 2019

Přiležnosć k swjatej spowědži w Róžeńce

sobotu, 6. apryla farar M.Anders, farar dr. D. Dzikiewicz,
17.00 – 18.00 hodź. farar T. Dawidowski, farar B. Jakubaš

sobotu, 13. apryla farar M.Anders, farar dr. D. Dzikiewicz,
17.00 – 18.00 hodź. farar B. Jakubaš, kapłan dr. J. Buliš

póndźelu, 15. apryla farar M.Anders, farar T. Dawidowski,
18.30 – 19.30 hodź. farar G. Nawka, farar J. Magjera

wutoru, 16. apryla farar M. Anders, farar D. Dzikiewicz,
18.30 – 19.30 hodź. farar dr. M. Kleiner, farar dr. S. Foelz

Přeco sobotu je do Božeje mše za lud a kraj, kotraž so we 8 hodź. zahaji, přiležnosć k swjatej spowědži.

„Israelowa zrudoba a tróšt“ zaklinči w Drježdžanach

Lubowarjo duchowneje hudźby smědža so na wosebitu chlěšćenku wjeselić. Po 25 lětach zaklinči zaso oratorij „Israelowa zrudoba a tróšt“ wot Korle Awgusta Kocora. Komponist sam je tež słowa ze Stareho zakonja wupytał. Pod wumělskim nawodom Judith Kubicec spěwaja chóry Lipa, Meja a Serbskeho ludoweho ansambla (SLA) a hraje orchester SLA z hudźbnikami „Sinfonietty“ z Drježdžan. Solisća su Romy Petrick (sopran), Britta Schwarz (alt), Jens-Uwe Mürner (tenor) a komorny spěwar profesor Matthias Henneberg (bas). Dwurěčny tekstowy zešiwk so wšěm poskići. Wšitcy su wutrobnje přeprošeni na předstajenje duchowneho oratorija „Israelowa zrudoba a tróšt“ – tutu njedźelu, 7. apryla, w 17 hodź. do Drježdžanskeje Křižneje cyrkwy. Twórba zaklinči w orchestralnym wobdželanju Stefana Malzewa.

Duchowna hudźba we wobłuku projekta „Swětło pozbudža“

Wosebity koncert w rjedže Duchowna hudźba w Budyskej tachantskej cyrkwi swjateho Pětra budže sobotu, 13. apryla, w 17 hodź. Chór Budyskeho Serbskeho gymnazija, kotryž diriguje Thea Čórlíhec, jón wuhotuje. Mjez druhim zaklinči Bjarnata Krawcowa twórba „Ow serbska zemja“ na słowa Jakuba Barta-Čišinskeho a Jana Pawoła Nagelowa moteta „Strowa sy, Marija“. Na piščelach zahraje cyrkwinskohudźbny direktor Friedemann Böhme, kotryž změje tohorunja cyłkowny nawod hudźbneho nyšpora. Wšitcy su wutrobnje přeprošeni, zastup je darmotny.

Křižowy puć młodžiny

Serbska dekanatna młodžina budže so bołmončku, 14. apryla w Radworju křižowy puć modlić. Započatk je w 14 hodź. w cyrkwi.

Póstny wopor dekanatneje młodžiny

Z lětušim póstnym woporom podpěruje dekanatna młodžina ponowjenje domu „Emmaus“ na Kukowskim hrodzišću. Wotpowědne listowe kuwerty su w cyrkwjach wupožene.

TCM hromadži za Malawi

Hladajo na scěhi tropoweho wichora Idai, kotrehož dla su hoberske kónčiny afriskich krajow Mosambik, Malawi a Simbabwe powodžene, chce Towarstwo Cyrila a Metoda z.t. (TCM) ze swojej akciju „Łužica pomha“ woporam pomhać a prosy za nich wo pjenježne dary. Zwisk do Malawija nawjaza wone přez Christinu Smolinu ze Swinjarnje. Wona je wot 2012 do 2013 a spočatk lěta 2017 w Malawiju jako wučerka a baba skutkowała, tehdy hišće jako rodžena Pólkec z Kulowa. Wona wudžeržuje k rjadnicam dale zwisk. Wone chcedža dary z Łužicy njeposřednje biskopej dale sposrědkować, zo by je wón potřebnym rozdželił. Štóż chcył wurjadnu akciju podpěrać, njech přepokaza swój dar na konto towarstwa pola banki LIGA: Cyrill-Methodius-Verein e.V., IBAN: DE 65 750 90 300 000 828 23 66, hesło: Malawi.

Šulerjo 6. do 8. lětnika přeprošeni

Pod hesłom „TY pokazaš nam puć!“ přeprošuje młodžinske dekanatne dušepastyrstwo wšěch šulerjow 6. do 8. lětnika sobotu, 13. apryla, wot 9 do 14 hodž. do Don Boskoweho domu we Worklecach. Na tutym zarjadowanju smědža wobdžělnicy mjez druhim sakrament wujednanja přijec. Zajimcy njech so prošu hač do wutory, 9. apryla, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóžděho wobdžělnika přinošk, wučinjacy štyri eura.

Křižerjo a zawěsćenje

Nastupajo zawěsćenje kołowokoło křižerjow je přinošk, kotryž je Katolski Posoł k tomu před třomi lěty wozjewił, dale aktualnje pod www.posol.de (tam pod „křižerjo a zawěsćenje“) přistupny. Deleka na tutej stronje je link na tekst w němskej rěči podaty, zdobom pod němskej stronu www.posol.de/deutsch a tam pod „Osterreiter und Versicherung“.

Program k projektej „Swětło pozbudža“

We wobłuku wuměłstwoweho projekta „Swětło pozbudža“ wotměje so tutu njedzelu, 7. apryla, we 18 hodž. pasionska vesper w Budyskej Marije-Marcínej cyrkwi. Hudžbny nawod změje cyrkwinski hudžbny direktor Michael Vetter.

Rozmołwny wječor z wuměłcom Ludgerom Hinsu k temje „Z mojeho žiwjenja – hnujaca biografija“ budže pónđzelu, 8. apryla, w 19 hodž. w Budyskej ewangelskej wosadnicy Při měšćanskim nasypje 12, a pjatk, 12. apryla, na tachantskej farje, Při Pětrowej cyrkwi 7. Młodžina modli so wutoru, 9. apryla, w 19 hodž. na ekumeniskim nyšporje w tachantskej cyrkwi křižowy puć. Dalši wječork šule modlenja pod hesłom „Modlić so – ale kak?“ wotměje so tón dzeń wot 19.30 do 21 hodž. w Budyskim klóšterku.

W Budyskim wopomnišću na Weigangowej 8a přednošuje stawiznar a publicist dr. Justus Ulbricht z Drježdžan srjedu, 10. apryla, w 19.30 hodž. k temje „Demokratija“. Monolog „Judas“ Lota Vekemansa předstaji Drježdžanske Statne dźiwadlo štwórtk, 11. apryla, a njedzelu, 14. apryla, w 19.30 hodž. w Dźiwadle na hrodže. W monologu powěda so stawizna přeradženja Jězusa z perspektiwy přeradnika.

Duchowna hudžba budže sobotu, 13. apryla, we 18 hodž. w tachantskej cyrkwi. Nadrobnošće k tomu nadeńdžeće na stronje 112.

Na komplet su wšitcy pjatk, 12. apryla, w 21 hodž. do tachantskeje cyrkwe přeprošeni. Pasionka vesper wotměje so njedzelu, 14. apryla, we 18 hodž. w Marije-Marcínej cyrkwi. Hudžbny nawod změje Yuko Ikeda. Cyłkowny program projekta „Swětło pozbudža“ je pod www.posol.de wozjewjeny.

Tři filmy wo cistercienskach na arte

Telewizijny sćelak arte wusyła bołmončku, 14. apryla, w 15.35 hodź. w rjedže třidźelneje dokumentacije wo wotkazanju cistercienskow 50 mjeńšin trajacy film, w kotrymž wěnuje so mjez druhim klóštrej Marijinej hwězdze w Pančicach-Kukowje. Tydžeń do toho, 7. apryla, w 15.20 hodź. zaběra so sćelak w přenim dźělu z cistercienskami w Francoskej, w třecim potom z tymi w Italskej. Cyłkownje předstaji wón wulki wliw cistercienskeho rjadu na kulturne wuwice Europy.

Wustajeńca wo naložkach w póstnym a jutrownym času

W Budyskim Serbskim muzeju móža sej zajimcy hač do njedzele, 5. meje, nowu wustajeńcu wo serbskich naložkach w póstnym a jutrownym času wobhladać. Džěci móža ju ze zmysłami dožiwić a so při walkowanju wuspytać a jutrowne jejka debić.

Pytaja kubłarku – tež jako přidružnicu

Radworski Katolski serbski džěcacy dom „Alojs Andricki“ pyta kubłarku abo přidružnicu, kotraž powołanje w běhu štyrjoch lět nawuknje a so wotydženju dwójce na kubłanju w šuli wobdžěli. Tež mužojo su witani. Nadrobniše informacije poda wjednica Andrea Henichowa, telefonowe čisło (03 59 35) 2 07 17.

Zetkanje žarowacych

W zetskawanskim centrumje Carity w Kamjencu (Puć jednoty 2) wotměje so wutoru, 9. apryla, we 18 hodź. přichodne zetkanje žarowacych. Wšitcy žarowacy su k tomu wutrobnje přeprošeni.

Zamyslenje z hudźbu w Smochćicach

Na hudźbne zamyslenje w rjedže Smochčanskeho jewišća přeprošuje Dom biskopa Bena wulki pjatk, 19. apryla, w 19.30 hodź. Mjez druhim zaklinči „Stabat mater“ Fedele Fenarolija a „voces intimae“ Jeana Sibeliusa. Wječor wuhotuje Budyski ansambl Chordophone zhromadnje z hosćimi.

Předstajenje komedije „Čeplski recept“

Serbska lajska džiwadłowa skupina Chróscicy z.t. předstaji swoju komediju „Čeplski recept“ tutu njedzelu, 7. apryla, w 16.00 hodź. w Sernjanach na žurli Cyžec hosćenca. Wšitcy zajimcy su wutrobnje witani.